

TUSI TAIALA MO SUI AUAI MAI AFIOAGA A LE TOOMAGA MO Ë PUA'PUA'GĀTI'A



2025—2030



FAATOMUAGA

O lenei tusi taiala ua tu'u fa'atasia ma tapenaina e le To'omaga mo e Puapuagatia, mo sui auai uma mai afioaga taitasi i totonu ole atunuu, áua le fa'atinoina o latou tiute ma matafaioi fa'asuiauai e tusa ma Faiga Fa'avae ma Aiaiga a le Fa'alapotopotoga.

E ao i sui auai uma ona aloaia ma fa'atauaina aiaiga ma fua fa'atatau e tatau ona ausia ao fa'atinoina ai tiute ma matafaioi i soo se taimi. E tatau foi ona usitaia Tulafono ma Aiaiga o le fa'atinoina o latou galuega e tusa o lo latou valaauina.

Vaai Maa (Vision)

Ia mauina e maua e i latou ua aafia i sauaga ma i latou ua solitulafono fa'apea i latou ua manaomia se fesoasoani, se auunaga e tulaga lelei atoatoa, aua le toe fuatai'ina o latou olaga mo le ola saoloto, le fiafia ma le ola manuia.

Misiona (Mission)


Ia iloga i Samoa o se Fa'alapotopotoga autu e lagolagoina afioaga po'o nuu e ala i:-

- ♦ Auunaga e tuuina atu ma le atoatoa ona lelei mo i latou ua aafia i soligatulafono ma i latou e manaomia se fesoasoani
- ♦ Faufautua mo i latou ua iai se tulaga lamatia o le aafia i soliga tulafono ma i latou e manaomia le fesoasoani
- ♦ Lagolago o i latou ua iai se tulaga lamatia o le aafia i soligatulafono
- ♦ Faufautua mo aiga ma nuu mo le saogalemu mai sauaga
- ♦ Fa'aailoa o manaoga ma aia tatau a i latou e iai aafiaga tumau o le soifua.

Anavatau/ Mau Tauave:-

- ♦ MATOU TE LAGOLAGO
- ♦ MATOU TE FESOASOANI
- ♦ MATOU TE ALOLOFA
- ♦ O MATOU O LOU AIGA.

FA'AVAA MO FA'ATULAGANA O SUI AUAI



TIUTE MA MATAFAI'OI

1. LAULAU-A-FONO SAVAII MA UPOLU

- ⇒ Fuafuaina galuega faatino mo sui auai mo le tausaga atoa
- ⇒ Mataituina o nei galuega fa'atino ma lipoti le ofisa tutotonu taualumaga o galuega fa'atino
- ⇒ Fuafuaina alagaoa poo alagatupe aua le fa'ataunuuina o nei galuega fa'atino
- ⇒ Mautinoa le faamauina o minute o fonotaga taitasi e le failautusi
- ⇒ Feso'otai ma le ofisa SVSG aua polokalame fa'aletausaga
- ⇒ Galulue so'oso'o tauau ma le ofisa I vaega e ono tapa ai se fesoasoani a sui auai
- ⇒ Ia mautinoa le vave ma lelei fesootaiga ma le ofisa I mataupu tau sauaga ma soo se faafitauli e ono lepeti ai le nofolelei o tagata.

2. KOMITI FA'AFOE

- Ia mautinoa le vave fesootai o le ofisa I ni mataupu tau sauaga ma soo se fa'afitauli
- Logologo puiaalii sui auai aua fonotaga ma gaioiga fai.
- Mataituina o tiute tauave a sui auai ia mautinoa le saogalemu ma le lelei o le faatinoina
- Mataituina o latou tiute tauave ina ia mautinoa le tausisia ma mulimulitaia o Tulafono ma aiaiga ua maea ona lauliliina
- Fesoasoani le laulauafono I galuega faatino ma polokalame fa'ata'atitia

3. Tiute ma Matafaioi a Sui Auai

- Ia taulamua I so'o se galuega lelei ma le alofa ma ia mautinoa le saogalemu ma le sologa lelei o aiga, ekalesia ma nuu.
- Lagolago I galuega e moomia ai le latou fesoasoani
- Una'ia le va fealoalo'ai ma le galulue faatasi o sui auai uma
- Lipoti mai mataupu tau sauaga ma so'o se fa'afitauli e ono alia'e mai tua nuu, e le maua ai se nofofilemu o tagata.
- Ia mautinoa le malu puipua o fa'amatalaga o mataupu taitasi e lipoti mai.
- Lagolago ma fesoasoani ini fanau ua sauaina o loo I le Nofoaga o Faamoemoega
- Mautinoa ma mulimulitaia o Amioga Tausili i soo se taimi e fa'atino ai tiute ma galuega
- Ia taulamua ile fa'alauiloaina ma le fa'amaopoopoina o so'o se polokalame i nuu ma afioaga
- Mautinoa le saogalemu ma le malu puipua o meatotino a le Toomaga o lo'o I totonu o nuu
- Alo'alo ese mai fa'afitauli e ono afaina ai le tauleleia o lou tagata.
- Mataituina o aiga lima vaivai ma le maulalo ole tamaoiga ma feso'otai mai le ofisa


FA'ATAUTAIA O MATAUPU

O le a feso'otai atu le ofisa I sui auai I taimi e fa'atautaia ai se mataupu, o lona uiga ua mo'omia lau fesoasoani I se tulaga tau le mataupu e pei ole:-

- ♦ Sailia maia o se molimau o se fa'amasinoga po'o se mataupu
- ♦ Sailia maia o se fanau, tama poo se tina ile Ofisa i se mataupu I lona sauaina
- ♦ Sailia maia o ni fa'amatalaga e fesoasoani ai I se mataupu ua fa'aulu mai ile tatou ofisa.

3 Vaega o le auaunaga fa'asui auai a le To'omaga

1. Tali atu (Response)—I le taimi e tulai mai ai se sauaga
2. Vave Fesoasoani (Early Intervention)—I le taimi e alia'e ai ni fa'afitauli e ono tupu ai sauaga
3. Puipuiga (Prevention)—Ae lei tupu sauaga.



I le fa'atino ai o galuega I afioaga e iai alafua e fa'ataunuuina ai pe lima taitaiina ai tiute ma matafaioi o sui taitasi ina ia mafai ona fa'ataunuu ma le atoatoa.

- ◇ O le galuega a le Atua
- ◇ O le galuega Alofa
- ◇ O le galuega e fai ma le Loto Malie ma le Ofofuaina
- ◇ O le galuega e le faaituau

TULAFONO MA AIAIGA

E 4 ni tulafono ma aiaiga e lima taitaiina ai le galuega lavea'l o lo'o tatou fa'ataunuuina I tua I nuu ma afioaga. O nei tulafono e patino lava I sui auai o le a latou lipoti mai ni mataupu tau sauaga I le ofisa autu mo se fesoasoani.

1. E tatau ona toa 2 tagata matutua I so'o se taimi e fa'atalanoa ai se mataupu.

E le tatau ona e alu na'o oe e fa'atautaia se mataupu e a'afia ai se tamaitiiti. E le tatau na'o oe ma se tamaititi. E tatau lava ona toalua ma isi tagata matua aua lava le saogalmeu ma le malu puipuia o fanau I lalo ole tatou vaavaaiga.

2. Feofoofota'i

E tatau ona fa'aaloologia le fanau e ala ile fa'aaloologia o latou itutino. E le fa'atagaina le soona pai fua iai, fusi, sogi po'o se auala e le talafeagai ma le manaomia.

3. Faufautua

E le mafai ona tatou fa'ataunuuina se galuega fa'afautua (counselling) mo I latou ua iai ni mafatiaga, o loo iai lava I latou e fitoi tonu iai lea matafaioi. Peitai e mafai ona tatou fa'atinoina galuega fesoasoani muamua (psychological first aid) e pei ole tatou anavatau-

- *Matou te fesoasoani*
- *Matou te lagolago*
- *Matou te alolofa*
- *Matou o lou aiga*

4. Malu puipuia o fa'amaumauga ma fa'amatalaga

E le mafai ona e fa'aioaina so'o se fa'amatalaga poo se fa'amaumauga I so'o se tasi e uiga ise mataupu ile fa'atinoina ai o lou tofiga fa'asuiauai a le Toomaga. E taua tele le usitaia o lenei tulafono I mataupu tau sauaga ma mataupu ma'ale'ale e ono o'o I luma o le faamsinoga.

MANATUA O LENEI PUIPUIGA, E LE GATA MO LE UA A'AFIA, AEMASE O LE PUIPUIA O OE LE SUI AUAI I TAIMI UMA.

AMIOGA TAUSILI

I lalo o Faiga Fa'avae mo le Puipuiga o le Fanau. (Child Protection Policy) ma le Faiga Fa'avae mo le Saogalemu (Safeguarding Policy) ua fa'ataoto mai ai Amioga Tausili (Code of Conduct) e lima taitaiina ai I tatou ma le galuega o loo tatou fa'ataunuuina I afioaga taitasi.

O a Amioga Tausili?

- O se fa'atulagana o amioga mo le au galulue a le To'omaga ma a latou matafaioi aua le puipuiga o le fanau.
- O se tautinoga e sainia e le au galulue a le Toomaga ma latou usitaia
- O le tatou folafolaga tai toatasi ina ia fa'aaloalogia le fanau ma ia aua nei a'afia i latou.

O Amioga Tausili (Code of Conduct)

O le a ou :-

Vaaia lelei tamaiti ma le alofa, fa'aaloalo ma le mamalu

E tutusa le Faiga o tamaiti e leai se fa'aailoga tagata, e ui ile eseese o lanu, ituaiga tagata, gagana, a'afiaga ole soifua, ekalesia, atunuu e o mai ai ma soo se tasi lava mafuaga.

Mautinoa o loo malu puipuia le nofoaga mo tamaiti, e ese mai lava I isi nofoaga sa iai muamua ma la fiafia le fanau e nonofo lea nofoaga.

Mautinoa i so'o se taimi lava ou te galue ai ma tamaiti, e tataua lava ona iai se isi tagata matua e auai le mea o loo iai ma tamaiti